



Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmansdorff ad
Laitam Bonus Ordo Triplicis Formatæ Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Disc. XXXV. Solatium miserorum. Consolatur Maria, omnem ad se
confugientem, ac sibi supplicem.

[urn:nbn:de:hbz:466:1-51763](#)

DISCURSUS XXXV.

Maria Virgo Consolatrix afflitorum est.

Exordium.

Quam tristia sint omnia, dum sol à nostro hemisphærio discedit, & absconditur, annua docet experientia, etenim amœnitatem dura tollit hyems, lucem diurnam longitudo noctis obte-nebrat, creaturæ omnes afflīcta languent, melancholicus fit homo, philomela silet, & alauda, in antris & specubus latent bruta, areolæ inanes plangunt, semimortuæ stupent arbores, durissimo cilicio coarctati inter montes rivuli alias prurientes quiescunt; revertente autem denuò ad nos aureo sole, exhilarantur homines, concentu avium resonat aér, in peramoënis campis, & pratis viridantibus animan-tia saltitant, crystallo nitent fluctuantes aquæ, arbores flo-rent & plantæ, & adventu solis consolata, omnis terra vi-rescit: quanta solis utilitas! cui meritò subscriptit Academicus: *Consolatrix afflitorum*. Mariam Virginem Dei Matrem, *Electam ut Sol*, cœli agmina exclamant. Cant. 6. cap. nam omnes hominum status ipsa benignè solatur, nativitate suâ solata est patres in limbo, *Electa ut Sol*. Liberatione & re-frigerio solata est animas in purgatorio, *Electa ut Sol*, cura-tione solata est ægros, *Electa ut Sol*, auxilio solata egenos, *Electa ut Sol*, erexit periclitantes solata, *Electa ut Sol*, apertione carceris, & vinculorum disruptione solata captivos, *Electa ut Sol*, afflitos latitiâ, peccatores gratiâ, gloriâ justos solata, *Electa ut Sol*, dignissima, quam triumphans & militans veneretur Ecclesia, *Consolatrice afflitorum*. De trium-phantis SS. Patres deprædicent. *Maria effecta est Mater Dei*, *S. Laurentii Paradisi scala*, *Janua cœli*, *Interventrix mundi*, *dæmonum Justinianus Fuga*, *peccatorum Spes*, *naufragantium Portus*, *maris Stella*,

Con-

Confugium periclitantium, Solamen laborantium, fluctuantium Robur, Dei & hominum verissima Mediatrix. perorat S. Laurentius Justinianus. serm. de Annunt. B. V. Beata Virgo sicut fons refrigerat piis consolationibus, omnes tribulationum B. Albertus & adversitatum estum patientes, si tamen ex omnicorde, ipsius Magnus. imploraverint auxilium. loquitur B. Albertus Magnus. Serm. de Nat. B. V. Et iterum in Bibl. Maria. lib. Esth. Num. 7. Ipsa est gaudium mæstorum, & triplum omnium Beatorum. Clementissima Regina solita est semper afflictos, quex hæc lachry. Ven. P. à marum valle ad se suspirant, suavissime consolari, simulq; rigore cœlesti refrigerio, tanquam rore matutino, corda arentia. scribit Vener. P. Joannes à JESU Mariâ. Tom. 4. Epist. ad B. V. Quicunq; marore deprimeris, desolatione affligeris, adversitate prægravaris, hanc piissimam, prorsusq; suavissimam accede, implora, contemplare Mariam, & citò senties ejus opem, Dionysius persevera invocare ejus misericordiam, & celeriter experieris Carthusianus⁹ consolationem mentalem. ait Dionysius Carthusianus, de Laud. B. V. Lib. 3. Art. 21. Ave Porta cœlorum, & scala ascensiū q; omnium, ave portarum cœlestis Paradisi referamentum, ave nostra Consolatrix, qua marores sedasti, & oppressorum molestias leniisti, cunctasq; oppressiones sustulisti, ave clavis regni cœlestis. latus inclamat Mariam S. Ephrem. serm. de Laud. B. V. Si consolari in omni tribulazione queritis, accedite ad Mariam Thomas à Matrem JESU, & omnia gravamina nostra, aut citò recedent, aut leviores fient. paternè suadet Christi imitator Thomas à Kempis. Serm. 21. ad Novitios. Part. 3. Gratiam Spiritus S. imploret Virgo beata, ut eam Consolatricem afflitorum, etiam in militanti Ecclesiâ, devotis Conceptibus læti meditemur.

CONCEPTUS I.

Ecclesiast. 24. cap. de seipsâ dicit Virgo benedicta. Quasi Confirma nebula texi omnem terram. Numquid nebula tristis & tenebrosa est? cur ergo Consolatrix Deipara nebulae comparatur? tatio, seu De ductio,

nebula simplici rustico certum solatium exhibet, & consolatrix est pluviae salutaris, per quam exsiccata ardore nimios solis terra irrigatur, languentes ejus fructus reviviscunt, debitata calore sulphureo animantia recreantur. Quasi nebula ergo tegit omnem terram protectione sua Virgo Maria, quia ubique terrarum in vocata auxilium praestat, consolatur affitos, largum gratiarum imbre mittit, divitem Dei benedictionem exorat. Praeclarè pro more S. Bernardinus Senensis, in cap. 14. Apocalypf. Beata Virgo convenienter nebula comparatur, quia amabilis est succursu, propter suam benignitatem, nam si ut nebula modico vento agitata, velociter moveretur, & Inbrem fundit, sic Virgo Maria modicum pulsata precibus, pro peccatoribus exorat. Confirmat S. Bernardus. Serm super Sign. Magn. Maria omnibus hominibus misericordia sua sinum aperit, omnibus se affectum exhibit, & inclinatam. O quorū afflicti eam experti sunt Consolatricem!

CONCEPTUS II.

Sponsam suam Mariam Virginem Spiritus S. Oliva in campis assimilat. Ecclesiast. 24. cap. Quasi oliva speciosa in campus? Ad quid olivæ? & cur recte in campis? Quare non olivæ in hortis aut montibus? Respondet S. Antoninus Episcopus. Part. 3. Tit. 31. cap. 4. *Oliva significat misericordiam, quia oleum fructus est, linitivum & dulce.* Horti plerumque occlusi sunt, nec cuivis patet ingressus, montes excelsi sunt, nec quivis ascendere potest ad montem, præsertim miseri, afflicti, & infirmi; *In excelsis enim infirmi esse non possunt.* scribit S. Ambrosius. lib. 5. in Luc. cap. 6. post Init. obliterata nemora pariter sunt in via, & inaccessa, campi autem omnibus aperti, cuique patent. Maria misericordiæ Mater, quasi oliva speciosa, non in hortis, non in sylvis, non in montibus, sed in campis, quia consolatione suâ omnibus est patens, nulli pia viscera claudit, pinguedinem, seu fructum ejus linitivum singulis offert, dolores amaros in dulcem latitiam, morbos in salutem, tribulationem & afflictiones

ctiones vertit in consolationem. Ad olivam, quæ est spectosa
in campis, omnes possunt accedere, & accipere fructum ejus,
sicut ad Mariam, & justi & peccatores accedere possunt, ut inde
misericordiam accipiant. sonant verba Antonini citati. quibus
adgit devotissimus Ludovicus Blosius. in Cant. vitæ Spirit. cap.
3. Beata Virgo neminem spernit, à nemine se abscondit, vel ex-
cusat, omnes consolatur, omnibus sinum suum aperit bonitatis.
Benignissima Consolatrix afflitorum.

CONCEPTUS III.

Joann. 2. cap. Nuptiæ erant in Canâ Galilææ, quibus &
Maria Mater JESU interfuerat, unâ cum Filio & discipulis
eius, ad has easdem nuptias specialiter vocatis & invitatis,
animadvertisens autem Virgo Dei Mater, vinum hospitibus
deficere, misera sine dilatione Christum interpellat, dicens:
Vinum non habent. tantumque effecit, ut ad obsequiosam piæ
Matris instantiam, clementissimus ejus Filius, aquam converte-
rit in vinum, quamvis adhuc nullum fecisset signum, aut alicubi
apertè miracula patrâset. Nemo est, qui vertat in dubium,
paupertatem in terris coluisse Christum, consequens ergo est,
creatam hanc laudabilem Trinitatem, JESUM, Mariam & Jo-
seph, in alimentis aliisque vitæ necessariis, sæpe sæpius defec-
tum passam fuisse, neque tamen legitur Filium suum patien-
tissima mater unquam sollicitâsse, ut miraculosâ panis, car-
nis, vestimentorum, aliarumve necessitatum creatione, sibi
subvenire dignaretur, quin & S. Evangelista expreßè dicit,
hanc miraculosam Canæ in Galilæâ conversionem aquæ in vi-
num, fuisse primum in favorem Matris Christi miraculum:
*Hoc fecit initium signorum JESUS in Canâ Galilææ, & manifester-
vit gloriam suam.* Cur ergo in nuptiis hisce, pro solo vino,
cujus defectum ibidem senserat, tam sollicitè apud Filium in-
tercessit? Cur rectè vini defectum tam graviter sensit? *Vi-
num non habent?* Mysterium latens pandit Sapiens. Prov. 31.
cap. *Vinum his, qui amaro sunt animo.* Vinum nempe re-

medium est contra tristitiam, dulcorat amara, moerorem tollit, tribulatos latificat, consolatur afflitos; deficiente vino querula erat Christi Mater, ne sua mæstis gaudia, aut sua misericordia auxilia, aut denique etiam afflictis sua non deessent solatia, per eam, quæ est Consolatrix afflictorum. Consolatus ab eâ attestatur S. Bernardus. serm. super Sign. Magn. *Omnibus omnia facta est, sapientibus & insipientibus, copiosissimâ charitate Debitricem se fecit, omnibus misericordiam aperuit, ut de plenitudine ejus accipiant universi, captivus redemptionem, ager curationem, tristis consolationem, peccator veniam, justi gratiam, Angelus latitiam, denique tota Trinitas gloriam, O quam verè omnium Consolatrix!*

CONCEPTUS IV.

Admiratione dignum est, quod dolorosissima Virgo Dei Mater, usque ad ultimum vitæ JESU Christi Filii suihaltum, sub cruce morientis Salvatoris stando perseveraverit in concussa. *Stabat autem juxta crucem JESU, Mater ejus.* Joan. 19. Cap. An major aut acerbior in hoc mundo reperi potest dolor, an non anima ipsa parentibus transfigitur, quando proprium crudelissime interimi, ignominiosissime mori filium conspiciunt? Cur ergo sub cruce morientis Filii stando dolorosissima Mater permanxit? Si ad implendam Simeonis prophetiam, mors Christi animam ipsius Virginis velut acutissimus doloris gladius pertransivit, cur ad temporandam tanti doloris vehementiam, à morte JESU, provida Mater Maria sese non abduxit? Non erat in universo terrarum orbe tristior Christo Domino, dicente de seipso. Matth. 26. cap. *Tristis est anima mea usque ad mortem.* Indignum itaque duxit pientissima Mater, Filium suum in tantâ tristitia constitutum derelinquere, & vel ex hoc ipso, quod tristitia animæ ejus fuerit usque ad mortem, usque ad extremum vitæ halitum Filii afflicti, & morientis, stare voluit Mater afflita, & Consolatrix. Sed ubi in morientis JESU angustis Ange-

Angelus mansit, qui eum in agoniâ constitutum, confortabat in horto? non eguit eo Christus, qui Angelorum solarium Matrem Virginem habuit præsentem, efficacissimam afflictorum Consolatricem. O quot millia hominum, in extremis necessitatibus constituti, in vita termino angustati, coram Judice strictissimo tremuli, ab universo orbe derelicti, vel in ipso agone spirantes in virginem, experti sunt afflictorum Consolatricem: de millibus unum pro solatio exemplum percipiamus: P. Marcus de Weida lib. de Fraternitate Rosarii recenset, Egræ in Bohemiâ Virginem quandam Barbaram nomine, in Egram fluvium incautam cecidisse, ibidemque fuisse submersam, tristi nuntio de insperata morte filiæ, incomparabiliter afflita mater, in Ecclesiam Dei Genitricis cucurrit, Mariam Virginem flexis genibus pro ope & auxilio humiliter implorat, interim mortuæ virginis corpus de aquâ eductum, in parentum ejus domo reponitur, quò cum nimia afflictione perturbata mater de templo magnæ Dominae appulisset, amarissimas lachrymas supra cadaver filiæ submersæ copiosè effudit, sed proh! mirum, Barbara filia omnibus stupentibus alta primum suspiria ducere, dein circumspicere, ac tandem viua se erigere, & exhibitas sibi per Mariam Virginem gratias, circumstantibus fusè narrare incepit, quatenus nimirum anima ejus misera coram tribunali divino ducta actualiter steterit, atque de eo terribilem damnationis æternæ sententiam infelix perceperit, in hac tamen extremâ & ultimâ necessitate à Deiparâ Virgine adjuta, ejusque potentissimâ apud Deum intercessione redeundi in corpus, & adhuc seriam agendi pœnitentiam feliciter sortita sit facultatem. O quanto solatio exultaverit tristis & afflita Mater, quando filiam ejus submersam denuò redivivam oculis adhuc madentibus conspexit, sed multò hilarior filia, quæ mediante Mariâ vitam, gratiam, pœnitentiæ tempus adepta, strictissimum Dei Judicium, & irrevocabilem mortis æternæ sententiam ter felix evasit. En quantâ clementiâ duabus afflictis
Dei

Dei Mater in tempore opportuno facta sit gratosissima Consolatrix.

Epilogus.

Quotquot ergo afflitti in hac lachrymarum valle degimus, veram ac perpetuam in vita & morte consolationem expectantes, ad potentissimam simul & benignissimam Consolatricem afflictorum, quotidiano cultu honorantes recurramus, & fiducialiter in clamemus cum serapico Bonaventurâ. Psalm. 11. *Salvos nos fac Mater pulchra dilectionis, fons clementie, & dulcor pietatis, eorum terra sola circuis, ut subuenias invocantibus te.* Amen.

*O mens peccatrix! bene spera, Maria Solatrix
Latitia vinum, porrigit ipsa sinum.
Non sinit afflictum, sed sanat vulneris ictum
Compatiens miseris, hanc cole, latus eris.*



DL